



«БЕКІТЕМІН»
Алматы облыстық сотының төрағасы
М.Таймерденов
2014 жыл 24 «Кандидат»

Алматы облыстық сотының Өнірлік Оқу орталығы туралы ЕРЕЖЕСІ

1. ЖАЛПЫ ЕРЕЖЕ

Алматы облыстық сотының Өнірлік Оқу орталығы (Бұдан әрі - Оқу орталығы) Алматы облыстық сотының білімгерлік органы болып табылады.

Оқу орталығы Алматы облысының судьяларының білімін үздіксіз жетілдіру, сот төрелігін атқару сапасын жақсарту және сот процестерін жүргізу мәдениетін көтеру мақсатында құрылған.

Оқу орталығының міндеттері:

- сот төрелігін жүзеге асырудың сапасын жақсарту мақсатында судьяларды және сот жүйесіндегі қызметкерлерді үздіксіз сот оқымен қамтамасыз ету;
- халықаралық стандарттарды ескере отырып, сот жүйесін одан әрі жетілдіруге жәрдемдесу;
- заң ғылымы, білім беру және сот практикасы арасындағы байланыстарды нығайтуға жәрдемдесу;
- судьялардың оқуға қажеттілігін талдау, оқытудың басымдығын, әдісі мен үлгісін анықтау;
- құқық қолдану тәжірибесінде мейлінше көкейтесті мәселелелерді анықтау және талдау, құқықтық номаларын қолданудағы біркелкілікті қалыптастыру;
- құқықтың түрлі салалары бойынша судьяларды оқытуды үйимдастыру;
- жас судьяларға әдістемелік және тәжірибелік көмек көрсету;
- республикалық және өнірлік оқу бағдарламаларына судьялардың қатысуын үйимдастыру;
- судьялардың тағымдамадан өтуін үйимдастыру болып табылады.

Оқу орталығындағы оқу бағдарламасы Алматы облысының барлық судьяларына есептелінген.

Осымен қатар:

- еңбек өтілі ұзақ емес судьяларға;
- құқық қолдану тәжірибесі жеткіліксіз, сот төрелігін жүзеге асыруда қателіктер жіберетін судьяларға ерекше назар аударылады.

Оқу орталығы өз қызметінде:

- «Қазақстан Республикасының сот жүйесі мен судьяларының мәртебесі туралы» Қазақстан Республикасының 2000 жылғы 25 желтоқсандағы Конституциялық заңын;
- Қазақстан Республикасы Жоғарғы Соты Төрағасының 03.02.2012 жылғы №31 өкімімен бекітілген Қазақстан Республикасының 2012-2016 жылдарға арналған сот оқуының стратегиясын;
- ҚР Жоғарғы Соты Төрағасының 12.09.2005 жылғы өкімімен бекітілген жас судьялардың кәсіби даярлығына және судьялық жұмыс тәжірибесін жинақтауға көмек көрсету жөніндегі 2005-2007 жылдарға арналған арнайы бағдарламасын;
- ҚР Жоғарғы Соты Төрағасының 02.11.2012 жылғы №326 өкімімен бекітілген аудандық, облыстық және оларға теңестірілген соттар судьяларының жоғары тұрған соттарда тағылымдамадан өту қағидасын;
- Осы Ережені басшылыққа алады.

2. Жұмысты ұйымдастыру

2.1. Оқу орталығы Алматы облыстық соты төрағасының өкімімен құрылған.

2.2. Оқу орталығы үш секциядан тұрады:

- Азаматтық құқық және процесс;
- Қылмыстық құқық және процесс;
- Әкімшілік құқық және процесс.

2.3. Оқу орталығының жұмысына жалпы басшылықты Оқу орталығының жетекшісі-оқу бағдарламаларын үйлестіруші жүзеге асырады;

Судьялардың және сот жүйесі қызметкерлерінің біліктілігін арттыруға бағытталған оқыту шараларын ұйымдастыру мен өткізуі қамтамасыз ететін облыстық соттың судьясы облыстық сот оқу бағдарламасының үйлестірушісі болып табылады.

Оқу бағдарламаларын үйлестіруші облыстық сот төрағасының өкімімен тағайындалады.

Нақты секцияның жұмысын ұйымдастыруды оқу орталығының мүшесі-модератор жүзеге асырады.

2.4. Оқу орталығы үйлестірушісінің міндеттері:

- оқу бағдарламаларын үйлестіруші өз қызметінде осы Ережені және сот окуы саласындағы өзге де актілерді басшылыққа алады;
- сауалнама өткізу арқылы судьялардың және сот жүйесі қызметкерлерінің окуга қажеттілігін зерттейді;

- облыстық сот оқу орталығының жартышылдыққа арналған жұмыс жоспарын(қылмыстық, азаматтық, әкімшілік істер жөніндегі сот алқаларының төрағаларымен келісімі бойынша) әзірлеп, облыстық соттың төрағасына бекітуге ұсынады;
- Жоғарғы Сот және облыстық соттар өткізетін семинарлардың, ғылыми-тәжірибелік конференциялардың, дөңгелек үстелдердің бағдарламаларының тақырыптарын әзірлеуге қатысады;
- аудандық, облыстық және оған теңестірілген соттар судьяларының жоғары тұрған соттарда тағылымдамадан өтуге және Қазақстан Республикасы Президенті жанындағы Мемлекеттік басқару академиясының Сот төрелігі институтында тағлымдамадан өту қажеттілігін зерттейді;
- облыстық соттарда үш жылға дейін жұмыс өтілі бар судьяларға облыстың соттарында тағылымдамадан өтуіне әдіstemелік көмекті жүзеге асырады;
- судьялардың өздігінен білім алудына, жеке жоспарлар құруына және тақырып бойынша материалдарды ұсынуына әдіstemелік көмекті жүзеге асырады;
- судьялар үшін, соның ішінде жаңа тағайындалған судьяларға оқытудың интерактивті әдісін қолдана отырып және тәжірибелі судьяларды тарту арқылы семинарлар, дөңгелек үстелдер, тренингтер, модельді сот процестерін ұйымдастырып, өткізуі жүзеге асырады;
- судьялық жұмыста тәжірибе жинақтауда тәжірибелі көмек көрсету жөнінде жас судьяларға тәлімгерлер бекітудің қажеттілігін зерттейді және қамтамасыз етеді.
- Сот төрелігі институтында және басқа да білім беру іс-шараларында біліктілікті арттыру курсарында оқығанға дейінгі және өткеннен кейінгі судьялардың сот актілері сапасының салыстырмалы талдау деректерін жүзеге асырады;
- судьялардың және сот жүйесіндегі қызметкерлердің қашықтықтан оқыту технологиясының бағдарламаларын пайдалануын қамтамасыз етеді;
- Жоғарғы Сотпен, Сот төрелігі институтымен, Қазақстан Республикасының Судьялар одағымен және олардың филиалдарымен сот оқуы мәселелері бойынша өзара қарым-қатынасады;
- оқытуddyң іс-шараларына белсенді атсалысқандары үшін судьяларды көтермелуе туралы облыстық соттың төрағасына ұсыныстар енгізеді;
- жыл қорытындысы бойынша бойынша атқарылған жұмыс туралы Жоғарғы Сотқа есеп жібереді.

2.5. Модератордың міндеттері:

- судьялардың біліктілігін арттыру қажеттіліктерін анықтауға қатысады;

- сессиялық оқытулардың тақырыптарын әзірлеуге қатысады;
- оқу жоспары бойынша сессиялық сабактар өткізуді үйимдастырады;
- тағлымдамадан өтудің жеке жоспарын орындау кезінде судьяларды тағлымдаушы жетекшіге тәжірибелік көмек көрсетеді;
- тағлымдамадан өту қорытындыларын талқылау жөніндегі облыстық соттың сот алқасының жұмысына қатысады.

3. Оқу процесін үйимдастыру

3.1.Оқу процесі төмендегідей бағытта жүзеге асырылады:

- Облыстық соттың оқу орталығы жүргізетін оқыту іс-шаралары судьялар мен сот жүйесіндегі қызметкерлердің кәсіби және практикалық білім алудың бағыттайты.
- Облыстық соттың оқу орталығы оқытуудың басым үлгісі мен әдістерін анықтайты, оқыту іс-шараларын іске асыру үшін қажетті жағдайлар жасайды.
- Оқыту процесі Сот оқуының стратегиясымен, жартышылдықтарға арналған жұмыс жоспарымен және сот окуы саласындағы басқа да актілермен реттеледі..
- Оқыту шаралары судьялардың мамандануын есепке ала отырып өткізіледі: азаматтық құқық және процесс, қылмыстық құқық және процесс, әкімшілік құқық және процесс.
- Облыстық соттың оқу орталығында оқыту іс-шаралары З жылға дейін жұмыс өтілі бар, қылмыстық, азаматтық және әкімшілік істерді қарайтын аудандық сottардың судьяларына, сот актілерінің күші жойылған және өзгертілген облыстық сottардың судьяларына (алқа, мамандануы бойынша) есептелген.
- Облыстық соттың оқу орталығы әлеуметтік саулнама, статистикалық деректер, сот тәжірибесін қорыту талдауының, судьялардың жеке ұсыныстарының және де басқа өлшем нысандарының негізінде судьяларды оқыту қажеттілігін зерттейді.
- Оқыту іс-шаралары дәрістер, дөңгелек үстелдер, конференциялар, семинарлар, тренингтер, тағылымдамалар, тәлімгерлік бағдарламалары, қашықтықтан оқыту технологиясы, жеке оқыту және басқалары арқылы іске асырылады.
- Оқыту барысында облыстық соттың оқыту орталығы машиқтандыру ойындары, топтардағы жұмыс, пікірсайысы, тренингтер, талқылау ретінде және тарату және анықтамалық материалдарын бере отырып қолдануы мүмкін.
- Оқытууды мамандануы бойынша жеткілікті сот тәжірибесі бар облыстық сот судьялары , аудандық және оған теңестірілген сottардың судьялары, жоғары оқу орындарының оқытушылары арасынан дәріс окушылары, сонымен қатар мемлекеттік органдардың және басқа үйимдардың өкілдері өткізеді.

- Ақпарат көздерін және өз бетімен оқу амалдарын (мерзімдік басылымдар, қашықтықтан оқыту технологиясы, сот практикасын қорытындылау, санаттары бойынша сот шешімдері, көмекші құралдар және басқа да материалдар) кеңейту және қол жетімді ету арқылы облыс сотының оқу орталығы судьяларға өз бетімен оқуға әдістемелік көмек көрсетеді.
- Облыстық сотының оқу орталығы қашықтықтан оқыту технологиясын қамтамасыз етуге қатысады, ол бейнеконференцбайланыс арқылы жүргізіледі және нақты уақытта оқыту процесіндегі өзара қимыләрекетін көздейді (дәріскердің тындаушылармен сөйлесуі).
-

4. Судьялардың тағлымдамасы

- Алматы облыстық сотында судьялардың тағлымдамадан өтуі алқалар төрағаларының келісімі бойынша Алматы облыстық соты төрағасымен бекітілген оқу орталығы құрастырған жоспар-кестенің негізінде облыстық сот судьяларының қатарынан тағайындалған тағлымдама жетекшісінің басшылығымен жүзеге асырылады.
- Тағылымдама мерзімі аяқталғаннан кейін судья (тағылымдамадан өтуші) тағылымдамадан өткені туралы жазбаша есеп жасайды, онда оның жеке жоспарды орындауы, жекелеген ескертпелер мен ұсыныстар жасалған іс жүргізу құжаттарының жобалары қоса беріле отырып көрсетілуге тиіс.
- Тағылымдамадан өту қорытындылары соттың тиісті алқасында не оның жедел кеңесінде талқыланады, судьяның (тағылымдамадан өтушінің) жазбаша есебін тиісті сот алқасының төрағасы бекітеді.

5. Материалдық-техникалық қамтамасыз ету

Оқу орталығының қызметін материалдық-техникалық қамтамасызын етуді «Қазақстан Республикасы Жоғарғы Сотының жанындағы Соттардың қызметін қамтамасызын ету департаментінің Алматы облыстық сотының кеңесесі» ММ жүзеге асырады.